

КАНОН СВЯТОЙ МУЧЕНИЦЕ ИРИНЕ

Память празднуем 4 (18) мая

Канон, глас 4-й

Песнь 1

Ирмос: Воспою Тебѣ, Господи Бѣже мой, яко извел еси люди из работы египетския, покрыл же еси колесницы фараоновы и силу.

Припев: Свята́я мученице Ири́но, моли́ Бо́га о нас.

Вене́ц сый страстоно́сицы, се́я, Христе, моли́твами мир ми́ру и сла́ву неувяда́ему пою́щим Тя да́руй.

Свята́я мученице Ири́но, моли́ Бо́га о нас.

За́рею сия́ющи дѣвства, укра́шена добро́тою твоего́ муче́ния, Ири́но великоиме́нитая, твоему́ Жениху́ предсто́йши.

Слава: Милостиву бы́ти Цѣ́рквам твоего́ моли́ Жениха́, Ири́но богому́драя, согреше́ний же оставле́ние пода́ти чту́щим тя.

И ныне: Плоть бы́вша Бо́га Сло́ва и су́щаго, яко мы, Свята́я Дѣ́во, неизрече́нно родила́ еси́, па́че сло́ва и ра́зума.

Моли́ Бо́га о нас, свята́я мученице Ири́но, яко мы усер́дно к тебѣ́ прибега́ем, ско́рой помо́щнице и моли́твеннице о душа́х на́ших. (Поклон.)

Песнь 3

Ирмос: Лук си́льных изнемо́же, и немотству́ющей препоя́сашася си́лою, сего́ ра́ди утверди́ся в Господе́ се́рдце моѐ.

Свята́я мученице Ири́но, моли́ Бо́га о нас.

Ми́ра излия́вшагося чу́вствующи и вселе́нную облагоуха́вшаго благода́тию при́имши, воспе́рися к жела́нию сего́, сла́вная.

Свята́я мученице Ири́но, моли́ Бо́га о нас.

Име́ла еси́ Бо́га помо́шника во твои́х по́двизех и защища́ющая, всему́драя, сего́ ра́ди венча́вшись, мучи́теля победи́ла еси́.

Слава: Столп добродете́лей непрекло́нен, и благоче́стия жили́ще бысть, и му́жества, и целому́дрія при́ятельще, всехва́льная.

И ныне: Те́кши до Тебѣ́, смерть ста, прирази́вшись из Тебе́ рождѣ́нному, Всенепоро́чная, сего́ ра́ди безсме́ртія нача́ток Тя имену́ем.

Моли́ Бо́га о нас, свята́я мученице Ири́но, яко мы усер́дно к тебѣ́ прибега́ем, ско́рой помо́щнице и моли́твеннице о душа́х на́ших. (Поклон.)

Господи поми́луй. (Трижды.)

Седален, глас 8-й

Мир тебѣ́ мног прибы́сть, мученице, разре́шися плоти́ по боле́знях мно́гих: ра́дуясь бо, Жени́х на небесе́х тя горе́ при́ят, всепросвещѣ́ну, и страда́нием

облистающе, и в чертог божественный введе радуящуся.

Слава, и ныне, Богородичен: Яко Деву и едину в женах, Тя безсеменно рождшую Бога плотию, вси ублажаем роди человечести, огонь бо вселися в Тебе Божества, и яко младенца дойши Зиждителя и Господа. Темже ангельский собор и человеческий род достойно славим всесвятое рождество Твое, и согласно вопием Ти: моли Христа Бога, прегрешений оставление даровати, достойно поющим славу Твою.

Песнь 4

Ирмос: Твоего на земли явления, Христэ Бже, проповедуя пророк пришествие, с веселием вопияше: слава силе Твоей, Господи.

Святая мученице Ирино, моли Бога о нас.

Иже мир тебе подавая, мироименитая, мира ради пособствующу ты видя, мужеподобным разумом, мученице, и крепостию исполни.

Святая мученице Ирино, моли Бога о нас.

Крепким усердием превозшедши женскую немощь, преблагенная, твердо изблещила еси, мученице, лести служащая.

Святая мученице Ирино, моли Бога о нас.

Божественное терпение показавши, мучителей дерзости низложила еси, твоему Жениху зовущи: слава силе Твоей, Господи.

Слава: Песнословием немолчным и мольбами Владыку, богомудрая, песнословила еси, и, к Нему востекши, славу зриши неизреченную.

И ныне: Радостно Тебе, веселящися, гласы, Пречистая, Тебе ради спасшиися, зываем: радуйся, Дево всечестная, радуйся, Богородице всепетая.

Моли Бога о нас, святая мученице Ирино, яко мы усердно к тебе прибегаем, скорой помощнице и молитвеннице о душах наших. (Поклон.)

Песнь 5

Ирмос: Просвещение Твое, Господи, низпосли нам, и от мглы прегрешений разреши ны, Блаже, Твой мир даруяй.

Святая мученице Ирино, моли Бога о нас.

Мужеским, славная, разумом Христа, Бога всех ясно исповедала еси, словом же твердым сопротивоборца, страстотерпице, посрамила еси.

Святая мученице Ирино, моли Бога о нас.

Последовати возжелела еси страсти Христове и подобием тепле последовала еси, подвижно страждущи по Владыце, пребогатая.

Слава: Полки мученик, славная, привела еси Христу твоею мудростию и богословием, сия истинно тайноучащи словом веры.

И ныне: Научившися тайны зачатия Твоего и неизреченного и Божественного Твоего рождества, Дево, ныне всеблагочестно песнословим Тя, Богородице всепетая.

Моли Бога о нас, святая мученице Ирино, яко мы усердно к тебе прибегаем, скорой помощнице и молитвеннице о душах наших. (Поклон.)

Песнь 6

Ирмос: Возопи́, прообразу́я погребéние триднёвное, проро́к Ио́на, в ките моля́ся: от тли избáви мя, Иису́се, Царю́ сил.

Свята́я мученице Ири́но, моли́ Бо́га о нас.

Испра́вила еси́ прамáтере Евы́ падéние, страсотéрпице, врага́ низложивши́ си́лу и победивши́ о́наго шата́ние божéственнойю благода́тию.

Свята́я мученице Ири́но, моли́ Бо́га о нас.

Кре́пость стяжавши́, Ири́но, ра́зума, мучите́лем супроти́вилася еси́ души́ до́блестию, и венце́м побéдным от Христа́ Бо́га венча́лася еси́.

Слава: Кро́вию страда́ния, мученице, светле́йшу соде́лала еси́ естéственную добро́ту, чи́стая, до́блественныя по́двиги подъя́вши твёрдо, до́брая де́во.

И ныне: Прояви́ тайну Твоего́ рождества́ богови́дец, горя́щу купину́ ви́дев, и неопалéму, Богоро́дице чи́стая Присноде́во.

Моли́ Бо́га о нас, свята́я мученице Ири́но, я́ко мы усéрдно к тебе́ прибега́ем, ско́рой помо́щнице и моли́твеннице о душа́х на́ших. (Поклон.)

Го́споди поми́луй. (Трижды.) Слава, и ныне.

Кондак, глас 4-й

Де́вства добро́тами преиспещре́нна, де́во, страда́льчеством была́ еси́ красне́йшая, Ири́но, крове́ми твоими́ истékшими обагрё́на, прелесть же низложившая безбо́жия. Сего́ ра́ди и прия́ла еси́ по́чести победы́ руко́ю Созда́теля твоего́.

Песнь 7

Ирмос: Авраа́мстии иногда́ в Вавило́не о́троцы пе́щный пла́мень попра́ша, пёсньми зыва́юще: о́тец на́ших Бо́же, благослове́н еси́.

Свята́я мученице Ири́но, моли́ Бо́га о нас.

Венце́нно, мученице, предстоя́щи престо́лу твоего́ Влады́ки, соблюди́ ве́рою зову́щия: о́тец на́ших Бо́же, благослове́н еси́.

Свята́я мученице Ири́но, моли́ Бо́га о нас.

В небе́сных селе́ниях ликовáти, мученице, сподо́билася еси́, досточу́дная Ири́но, зову́щи: о́тец на́ших Бо́же, благослове́н еси́.

Слава: Желáючи улу́чить Рачите́ля твоего́ добро́ты, мучéния боле́зни претерпе́ла еси́, Ири́но, зову́щи: о́тец на́ших Бо́же, благослове́н еси́.

И ныне: Глаго́лом усте́н Твои́х последую́ще, ве́рою Тя, Богома́ти, ублажа́ем, вопию́ще Рожде́ству Твоему́: о́тец на́ших Бо́же, благослове́н еси́.

Моли́ Бо́га о нас, свята́я мученице Ири́но, я́ко мы усéрдно к тебе́ прибега́ем, ско́рой помо́щнице и моли́твеннице о душа́х на́ших. (Поклон.)

Песнь 8

Ирмос: О́троки благоче́стивыя в пе́щи рождество́ Богоро́дичо спасло́ есть, тогда́ у́бо образу́емое, ны́не же де́йствуемое, вселе́нную всю воздвиза́ет пéти Тебе́: Го́спода пойте, дела́, и превозноси́те Его́ во вся ве́ки.

Святая мученице Ирїно, моли Бога о нас.

Пострадала еси, Ирїно блаженная, добре, и мучителя низложила еси, имущи посobie непобедимое, Владыки твоего силу, содействующую тебе, и Господа пойте, вопияла еси, и превозносите Его во веки.

Святая мученице Ирїно, моли Бога о нас.

Юношескою любовью уязвена, во след твоего Жениха последовала еси, Сего страдания, мученице, и раны на теле твоём носящи и вопиющи: Господа пойте, дела, и превозносите Его во веки.

Слава: Твое, еже в муках, терпение, Ирїно венцосице, посмеяся суетию и безбожию надёющимся, славная, верою же пояше: Господа воспевайте, дела, и превозносите Его во веки.

И ныне: Мудрость Божия всех хитрец, во Твое чрево, Богомати, всельшися, храм созда, разумен же и одушевлен Себе, и спасе мир, зовущий: Господа воспевайте, дела, и превозносите Его во веки.

Моли Бога о нас, святая мученице Ирїно, яко мы усердно к тебе прибегаем, скорой помощнице и молитвеннице о душах наших. (Поклон.)

Песнь 9

Ирмос: Ева убо недугом преслушания клятву вселила есть; Ты же, Дево Богородице, прозябением чревоношения миру благословение процвела еси. Тем Тя вси величаем.

Святая мученице Ирїно, моли Бога о нас.

Окрест твоего Рачителя ликующи в вышних, добрая дево, испроси миру мир, Ирїно, и согрешений оставление верою творящим память твою светносную и священную.

Святая мученице Ирїно, моли Бога о нас.

Внутри ты чертога Христос яко мученицу и деву всели, идеже с девами радуешься и с мученическими воинствы, Ирїно венцосице всехвальная, темже ты вси ублажаем.

Слава: Двери отверз небесныя, прият душу твою всенепорочную един всеми Царствуяй, и правды Строитель, Ирїно, божественного мира тезоименитая. Темже ты вси ублажаем.

И ныне: Имущи к Твоему Сыну, Пренепорочная, дерзновение непостыдно, Сего умоли низпослати миру мирно устройство и всем Церквам единомыслие, да Тя вси величаем.

Моли Бога о нас, святая мученице Ирїно, яко мы усердно к тебе прибегаем, скорой помощнице и молитвеннице о душах наших. (Поклон.)

Тропарь, глас 4-й

Агница Твоя, Иисусе, Ирїна зовёт велиим гласом: Тебе, Женише мой, люблю, и Тебе ищущи страдальчествоую, и сраспинаюся, и спогребаяюся крещению Твоему, и стражду Тебе ради, яко да царствую в Тебе, и умираю за Тя, да и живу с Тобою. Но яко жертву непорочну прими мя с любовью пожержуюся Тебе. Тоя молитвами, яко милостив, спаси души наша.

Кондак, глас той же

Слава: Дѣвства добрѣтами преиспещрѣнна, дѣво, страдальчествомъ была еси краснѣйшая, Ирѣно, кровью твоими истѣкшими обагрѣна, прѣлестъ же низложившая безбожія. Сего ради и прияла еси почета победы рукою Создателя твоего.

И ныне, Богородичен: Еже от вѣка утаенное и Ангеломъ несвѣдомое таинство, Тобою, Богородице, сущимъ на земли явися Бог, в неслѣтномъ соединѣнии воплощаемъ, и Крестъ волею нас ради восприимъ, имже воскресивъ первозданнаго, спасе от смѣрти души наша.